

1.  
**H** Tres hault et puissant prince mon  
treschier tresame et soeul frere german  
Charles d'Anjou Conte d'Annamie de mo  
targis et de guise. **U** Je Regner d'An  
jou vostre frere Vous fay sauoir que  
pour le plaisir que Je cognois de piecha que prenez a  
voir hystoires nouuelles et dictes nouveauls. Je  
suis aduise de vous faire vng petit traicte le plus au  
long estendu que Jay seu de la forme et deuz come  
il me sembleroit que vng tournoy seroit a entrepren  
dre a la court ou ailleurs en quelque marche de France  
quant aulcun prince le voudroit faire faire  
**L** Laquelle forme Jay prins au plus pres et Ionve  
de celle que on garde es alemaniques et sur le Rin quat  
on fait les tournois Et aussi selon la maniere quilz  
tiennent en Flandres et en brabant Et mesmeement  
sur les anciennes fachsions quilz souloient faire en  
France comme Jay trouue par escriptures. Desquel  
les trois fachsions Jen ay prins ce quil ma semble  
bon Et en ay fait et compile vne quatriesme fachsion  
de faire Ainsi que porrez voir sil vous plaist par ce  
que cy apres sensieult

**C** Cy apres sensieult la forme et maniere coment  
vng tournoy doit estre entrepris Et pour bien et hon  
norablement et a son endroit doit estre fait et accompli  
il fault garder lordre cy apres declairee

**V** Voult faire vng tournoy Il fault q ce soit  
quelque prince ou du moins hault baron ou ba  
nevet Leqil doit faire ainsi come cy apres sera deuise.

